

登  
科  
記  
考

登科記考卷二十五

大興徐松

後梁太祖神武元聖孝皇帝

開平元年

丁卯 即唐天祐四年

四月甲子皇帝即位戊辰大赦改元

新五代史本紀 舊五代史本紀云帝初受禪求理尤切

委宰臣搜訪賢良或有在下位抱負器業久不得伸者特加擢用有明政理得失之道規救時病者可陳章疏當親鑒擇利害施行然後賞以爵秩有晦跡邱園不求聞達者令彼長吏備禮邀致冀無遺逸之恨

七月

冊府元龜作六月

敕近年舉人當秋薦之時不親試者號爲拔解今

後宜止絕

舊五代史選舉志 五代會要

進士

按梁以四月受禪進士二月放榜此年進士已見唐天祐四年

二年

戊辰

正月癸酉諸道貢舉一百五十七人見於崇元門

舊五代史梁紀

四月敕賜劉斥同進士及第仍編入今年榜內第八人

五代會要

五月敕禮部所放進士薛鈞是左司侍郎薛廷珪男方持省轄固

合避嫌其薛鈞宜令所司落下

五代會要 冊府元龜載于二年五月今從會要

七月癸巳以禪代已來思求賢哲乃下令搜訪半籠之期以好爵

待以優榮各隨其材咸使登用宜令所在長吏切加搜訪每得其

人則疏姓名以聞如在下位不能自振者有司薦導之如任使後

顯立功勞別加遷陟

舊五代史梁紀

進士十八人

崔選

狀元見玉芝堂談薈

陳沆

鄭希閔

永樂大典引前陽志開平二年

陳沆鄭希閔

鄭雍

一作鄭致雍似因陳致雍而誤玉堂閒話

同第進士

允許而博陵有事女則隨例填宮至朱梁開平之前崔氏在內託

疾敕令出宮還其本家鄭則復託媒氏致意選日親迎士族婚禮

隨其豐儉亦無所闕詩有莊盆之感又杖經期周莫不合禮士林

以此多之美稱籍甚場中翹足望之一舉甲科封尚書榜下脫白

授祕書

廖澄

十國春秋廖澄順昌人少負忠義舉梁開平二年進士

劉斥

見上

韋洵美

兼內翰

侍兒小名錄引燈下閑笑韋洵美先輩開平歲及第受鄴都從事

辟焉按洵美所寵素娥為羅紹威所奪紹威於開平三年冬已

病開平元年又

無榜故載於此

諸科五人

知貢舉

中書舍人封舜卿

舊五代史封舜卿傳舜卿仕梁為禮部侍郎知貢舉開平三年奉使幽州

以門生鄭致雍從行復命之日又與致雍同受命入翰林為學士致雍有俊才舜卿雖有文詞才思拙澀及試五題不勝困弊因託致雍秉筆時以為座主辱門生按舊史梁紀開平元年十月有中書舍人封舜卿又言工部侍郎張策轉禮部侍郎二年四月策始為刑部侍郎則舜卿知舉時為中書舍人未為禮部侍郎也本傳誤

三年己巳

十一月己酉搜訪賢良

新書五代史梁紀按冊府元龜載三年制曰自開創以來凡有赦書德音節文內

皆委諸道搜訪賢良尙慮所在長吏未切薦揚其有卓犖不羈沈潛用晦負王霸之業蘊經濟之謀究古今刑政之源達禮樂質文之奧機籌可以制變經術可以辨疑一事軼羣一才拔俗並令招聘旋具奏聞然後試其所長待以不次所貴牢籠俊傑採摭英翹當卽是年詔書

是年敕條流禮部貢院每年放明經及第不得過二十人

冊府元龜

進士十九人

諸科四人

博學宏詞科二人

余澣

見冊府元龜

李愚

見冊府元龜

四年

庚午

九月甲午詔曰朕聞歷代帝王首推堯舜爲人父母孰比禹湯睿謀高出於古先聖德普聞于天下尙或卑躬待士屈己求賢俯仰星雲慮一民之遺逸網羅巖穴恐片善之韜藏延爵祿以徵求設丹青而訪召使其爲政樂在進賢蓋絲綸有萬機朝稱百揆非才不治得士則昌自朕光宅中區迄今三載宵分輟寐日旰忘餐思

其力於廟謀庶永濟于王道而乃朝廷之內或未盡於昌言軍旅之間亦罕聞于奇策眷言方岳下及山林豈無英奇副我延佇諸道都督觀察防禦使等或勳高翊世或才號知人必於塗巷之賢備察芻蕘之士詔到可精搜郡邑博訪賢良喻之以千載一時約之以高官美秩諒無求備唯在得人如有卓犖不羈沈潛自負通霸王之上略達文武之大綱究古今刑政之源識禮樂質文之變朕則待之不次委以非常用佐經綸豈勞階級如或一言拔俗一事出羣亦當舍短從長隨才授任大小方圓之器甯限九流溫良恭儉之人雖誣十室勉思薦舉勿至因循俟爾發揚慰予翹渴仍

從別敕處分

舊五代史梁紀 按新書五代史梁紀四年九月辛亥搜訪賢良疑卽此詔而日互異

十二月兵部尙書知貢舉姚洎奏曰近代設詞科選才子蓋所以綱維名教崇樹邦本者也曩時進士不下千人嶺徼海隅假風嚮化近歲觀光之士人數不多加以在位臣僚罕有子弟就其寡少復避嫌疑實恐因循漸爲廢墜今在朝公卿親屬將相子孫有文行可取者請許所在州府薦送以廣毓才之義從之

冊府元龜 五代會要

舊五代史選舉志載于開平元年四月按二年知舉爲封舜卿非姚洎故不從薛史

進士十五人

諸科一人

登科記考

卷二十五

四



乾化元年

辛未

五月甲申朔大赦改元

新五代史梁紀

進士二十人

諸科十人

知貢舉 兵部尚書姚洎

見上

二年

壬申

六月太祖遇弒友珪自立

新五代史梁紀

進士十一人

諸科一人

知貢舉 尙書左僕射楊涉

冊府元龜乾化元年十二月以尙書左僕射楊涉知禮部貢舉非常例也

後梁均王

乾化三年

癸酉

正月甲子郢王友珪大赦改元鳳歷

通鑑

二月均王友貞誅友珪即帝位復稱乾化三年

通鑑

進士十五人

聶嶼

舊五代史本傳嶼鄴中人少爲僧漸學吟詠

趙都

冊府元龜乾化中翰林學

士鄭珏連知貢舉鄴中人聶嶼與鄉人趙都俱隨鄉薦都納賄于珏人報翌日登第嶼聞不捷詬來人以嚇之珏懼亦俾成名

王易簡

宋史本傳易簡字國寶京兆萬年人曾祖肫祖遠父貫易簡少好學工詩梁乾化中邵王友誨鎮陝易簡舉進士詣

府拔解友誨贈錢二十萬明年遂擢第

唐詩紀事易簡唐末進士梁乾化中及第名居榜尾不看榜卻歸華山尋就山釋褐授華

士梁乾化中及第名居榜尾不看榜卻歸華山尋就山釋褐授華

州幕職後召入拜左拾遺又辭官歸隱留詩一絕曰汨沒朝班愧

不才誰能低折向塵埃青山得去且歸去官職有來還自來按四

年停舉故

皮光業

吳越備史光業字文通世為襄陽人父日休

附此年

十歲能屬文及長以其所業謁武肅累署浙西節度推官賜緡命

入貢京師梁後主特賜進士及第按賜及第蓋非登第也事在

貞明前當附是年

鄧名世古今姓氏書辨證云皮

日休蘇州刺史生光業光業生元帥府判官文燦

知貢舉

禮部侍郎鄭珏

舊五代史鄭珏傳珏入梁為補闕起居

鑑貞明二年十月丁酉以禮部侍郎鄭珏為中書侍郎同平章事

侯鯖錄唐末五代權臣執政公然交賂科第差除各有等差故

當時語云及第不必

讀書作官何須事業

四年

甲戌

停舉

貞明元年乙亥

十一月乙丑改元新書五代史梁紀

進士十三人

諸科二人

二年丙子

進士十二人

何澤

通鑑注引薛史曰何澤廣州人梁貞明中清海節度使劉陟薦其才以進士擢第

撫言

何澤韶陽曲江人也父鼎容管經略有文稱澤乾甯中隨計至三峯行在永樂崔公即澤之同年丈人也聞澤來舉乃以一絕贈之曰四十九年前及第同年唯有老夫存今日殷勤訪我子穩將鬢散上龍門時主文與奪未公又會相庭有所阻因之敗子垂成後漂泊關外梁太祖受禪澤假廣南幕職人貢敕賜及第

登科記考

卷二十五

六

諸科一人

三年  
丑丁

進士十五人

唐詩紀事貞明三年薛廷珪以宮漏出花遲為詩題

和凝

舊五代史本傳凝字成績汝陽須昌

人曾祖敞祖潘父矩凝幼而聰明姿狀秀拔神采射人少好學書一覽者咸達其大義年十七舉明經至京師忽夢人以五色筆一東與之謂曰子有如此才何不舉進士自是才思敏贍十九登進士第以周顯德二年卒年五十八推之貞明二年為十九歲然是年進士十二人疑不得云十三人及第蓋登三年之榜也按東都事略邵氏聞見錄西谿叢語澠水燕談皆言和凝第十三人及第舊五代史本傳崔稅舊五代史本傳稅字子文博陵安平人曾傳作第五人誤崔稅祖元受舉進士直史館祖銖安濮二州刺史父涿刑部郎中稅少好學梁貞明三年舉進士甲科為開封尹王瓚從事張鐸宋史本傳鐸字司祖居卿祖勗父文蔚鐸梁貞明三年舉進士補福昌尉

諸科二人

知貢舉

禮部尚書薛廷珪

贈太尉葛從周神道碑題云銀青光祿大夫禮部尚書權知貢舉上柱國

臣薛廷珪奉敕撰按碑立於貞明二年十一月是廷珪知三年舉矣

四年

戊寅

進士十二人

陳述

玉芝堂談薈載貞明某年狀元陳述未知其年附此俟考

太平廣記引稽神錄泉州文

宣王廟庭中有阜莢樹每州人將登第則生一莢梁貞明中忽然生一莢有半其年州人陳述進士及第黃仁穎學究及第仁穎恥之復登進士舉至同光中舊生半莢之所復生全莢其年仁穎及第

明經科

黃仁穎

見上

諸科二人

五年己卯

進士十三人

諸科一人

尹拙宋史儒林傳尹拙潁州汝陰人梁貞明五年舉三史調補下邑主簿

六年庚辰

五月詔曰有進士策名累年未釋褐者與初任一官已釋褐者依

前資敘用舊五代史梁紀

進士十二人

許鼎唐詩紀事鼎唐末詩人至梁貞明六年始登第

李京唐詩紀事京唐末詩人至

梁貞明六年登第

諸科三人

龍德元年 辛巳

正月丙戌朔改元 通鑑

停舉

二年 壬午

進士十四人

黃損

十國春秋黃損字益之連州人登龍德二年進士第

趙瑩

五代史本傳瑩字

元輝華陰人曾祖博祖孺父居晦瑩風儀美秀

性復純謹梁龍德中始解褐為康延孝從事

顏衍

朱史本傳衍字祖德

兗州曲阜人自言充國公四十五世孫梁龍德中擢第解褐授北海主簿

諸科二人

後唐莊宗光聖神閔孝皇帝



同光元年

癸未

四月晉王卽皇帝位大赦改元制曰內外文武官及諸色人任封事兼有賢良方正抱器懷能或利害可陳無所隱諱直言極諫將一一行之亦委諸道長吏具姓名申奏其貢舉之道誘導爲先切要便行貴申獎士委中書門下速商量聞奏或所在有藝行頗高爲鄉閭所推者竝仰准例舉選所司量才任使

冊府元龜

十月己卯滅梁

新五代史唐紀

十一月己丑大赦詔曰側席求賢將臻至理懸旌進善式贊鴻猷應名德有稱才藝可取或隱朝市遁跡林泉竝委逐處長吏遍加

搜揚津致赴關朕當量才任使兼僞庭僭逆已來凡有冤抑沈滯

之人竝宜特與申雪仍加遷陟

冊府元龜

停舉

二年

甲申

二月己巳朔有事於南郊大赦制曰事主之道以立節爲先致理之方以賞善爲本應懷才抱器不事僞朝眾所聞知顯有節行仰所在官吏將所著事狀具姓名聞奏當加甄獎兼授官秩堯鼓明懸貴聞進諫舜旌旁建比爲來賢是當廣納話言庶箴闕政泊僞梁人滋澆薄朝掩忠良蔑聞投水之規莫識從繩之路此後應內

省文武常參官并前資草澤之士有謀分利害事合機宜並許上表敷陳朕當選長旌錄

新五代史唐紀

冊府元龜

三月敕選舉二門仕進根本當掄擇於多士全委仗于有司苟請託是從則踰濫斯極況方行公事已集羣材須行戒勵之文俾絕倖求之路宜令吏部禮部翰林考藝必盡於精詳滅私徇公無從於請託仍委三銓貢院榜示省門曉告中外

冊府元龜

五月中書奏凡有進狀乞官及諸州府初奏請判官薦舉前資自詣中書求官等竊聞所稱頭銜多有踰越中書既無舊案除授何以爲憑起今後凡有諸色前資若命官者除近曾任朝官及有科

第外清資官爲眾所知竝須追到前任告敕中書點檢後方可進  
擬責絕虛授以杜僥求從之

冊府元龜

十月中書門下奏獻可效忠前經之令典因時建議有國之明規  
道旣務于化成事亦敷於競勸敢裨宸聽輒罄芻言伏惟陛下業  
茂經綸功成理定五材七德威冠于伐謀百氏三墳義彰於知教  
爰自中興啟運下武膺期照臨而日月光華鼓舞而乾坤交泰英  
明取士睿哲崇儒誠宜便廣于搜羅豈可尙令於淹抑但以今春  
貢士就試不多卽目選人磨勘未畢宗伯莫臻於俊乂天官難辨  
於妍媸況已過秋期將行公事側聞道路悉是家貧比及到京多

踰程限文闈選部皆礙條流伏請權停貢選一年俟遷闕者更勵進脩希干祿者益加循省然後精求良幹博採異能免有遺賢庶同樂聖敕舉選二門國朝重事但要精確難議權停宜准常例處

分

舊五代史選舉志、冊  
府元龜 五代會要

進士十四人

釋齊已同光歲送人及第東歸曰西笑道何光新朝舊桂堂春官如白傅內試似文皇變化龍三十升騰

鳳一行還家幾多興滿袖月中香

按言龍三十似

崔光表宋

及第者三十人矣而同光中無進士三十人俟考

崔光表韓

魏公安陽集故尙書工部侍郎致仕贈工部尙書崔立行狀曾祖

光表清河大房休之後十二世孫也後唐同光初舉進士第一終

右補闕直史館

按進士第一當是狀元同光元年停舉則光

表爲二年狀元矣

舊五代史崔周度父光表舉進士甲科

張礪

舊五代史本傳礪字夢臣磁州滏陽人也祖慶父寶世爲農礪幼嗜學有文藻唐同光初擢進士第尋拜左拾遺直史館

會郭崇韜伐蜀奏請礪掌軍書 按伐蜀在同

光三年九月時礪已為拾遺常于此年登第

諸科二人 郭忠恕 同光二年童子登科見冊府元龜五代史補

國子博士郭公忠恕詩云在昔舉神童廣揚推傑出尚書誦在口  
何論落自筆總角取科名弱冠紆纓紱注云公應舉時口念尚書

手寫  
論語

知貢舉 戶部侍郎趙頴 舊五代史唐紀三月戶部侍郎知貢舉

月戊申以中書舍人權知貢舉裴舉為禮  
部侍郎 按頴卒于三月是在放榜後也

三年 乙酉

三月 舊五代史唐紀 敕今年新及第進士符蒙等宜令翰林學士

承旨盧質就本院覆試仍令學士使楊彥珩監試 冊府元龜五代史要云時以

新及第進士符蒙等尙  
干忤議故命盧質覆試

其月敕禮部貢院今年新及第進士符蒙成僚王徹桑維翰四人  
國家歲命春官首司貢籍高懸科級明列等差廣進善之門爲取  
士之本所重者藝行兼著鄉里有稱定才實之淺深振聲名于夷  
夏必當得雋允副旁求爰自近年寢成澆俗多聞濫進全爽舊章  
朕自興復不圖削平僞紀方作事以謀始盡革故以鼎新蓋欲窒  
弊正訛去華務實誠爲要道無切於斯今據禮部奏所放進士符  
蒙等四人旣慊輿情頗干浮論須令覆試俾塞羣言又遣考詳貴  
從精覈及再覽符蒙成僚等程試詩賦果有瑕疵今若便有去留

慮乖激勸儻無昇降卽昧甄明況王微體物可嘉屬辭甚妙細披  
製作最異儕流但應試以效成或求對而不切桑維翰差無紕繆  
稍有功夫止當屬對之間累失求妍之美須推事藝各定否臧貴  
叶允平庶諧公共其王微改爲第一桑維翰第二符蒙第三成僚  
第四禮部侍郎裴皞在掄材之際雖匪阿私當定名之時頗虧優  
劣但緣符蒙等旣無紕落裴皞特議寬容勿負憂疑已從釋放自  
今後應禮部常年所試舉人雜文策等候過堂口委中書門下准  
本朝故事細加詳覆方可奏聞不得輒徇人情有廢事實冊府元  
龜  
府元龜又云時命盧質覆試於翰林院試君從諫則聖賦以堯舜  
禹湯傾心求過爲韻臣事君以忠詩是歲試進士科者數十人裴



舉精選其文惟得王澈輩或譖毀於宣徽使李紹宏曰今年新進士不蘇才進各有阿私物議以爲不可紹宏訴于郭崇韜因奏令盧質覆試質爲賦韻五平聲三側聲且踰常式覆試之日中外騰口議者非之舊五代史盧質傳改兵部尙書知制誥翰林學士承旨曾覆試進士舊例賦韻四平四側質所出韻乃五平三側由是大爲識者所訕按彭叔夏文苑英華辨證載唐時賦韻之制八韻者以四平四側爲定格然亦有三平五側者有五平三側者有二平六側者有六平二側者冊府元龜薛史似未詳考

五月禮部貢院奏當司准流內銓牒應請定冬集舉人內有前鄉貢童子者三銓已前團奏冬集皆署前鄉貢童子伏維格文只有童子科此無鄉貢字銓司先爲請定冬集舉人九經張仲宣等內有前鄉貢明經童子成光誨遂檢尋六典及蘇冕會要又無本朝書子細檢討惟有十三年閏十二月敕諸道應薦萬言及童子起

今後不得更有聞薦據此童子兩字皆由諸道表薦因無鄉貢之名又無口義帖經亦不合有明經之字進則止于暗誦便號神童此外格文別無童子其成光誨銓司准格只收署前童子團奏去二月十五日具狀申留司宰臣取裁奏例准申者伏緣三銓見團奏冬集右內有鄉貢及明經字已依成光誨例准格只署童子團奏次諸左伏以院司常年考試皆憑諸道表薦降敕下到當司准格考試及格者便放及第其同光二年童子郭忠恕等九人皆是表薦童子敕內并納到家狀並有鄉貢兩字院司檢勘同便榜示引試及第後先具白關牒報吏部南曹續便團奏春關奏狀下到

中書省追當司元下納家狀檢點同覆奏放敕經過諸處敕下後  
方始到當司備錄黃關牒報御史臺尙書省并吏部南曹今准流  
內銓牒伏緣院司承前皆憑敕命施行童子敕內並有鄉貢兩字  
若使落下恐涉專擅者奉敕起今後宜准開成三年敕文凡有官  
者並詣吏曹未仕者皆歸禮部其童子則委本州府依諸色舉人  
例考試結解送省任稱鄉貢童子長吏不得表薦若無本處解送  
本司不在考試之限

冊府元龜

八月敕條例諸道州府不得表薦童子

冊府元龜

九月庚子魏王繼岌郭崇韜伐蜀

新五代史唐紀

十一月己酉蜀王衍降

新五代史唐紀

進士四人

王徹

宋史王祐傳大名莘人父徹舉後唐進士至左拾遺按卽宋王旦之祖亦見日傳王芝堂談

蒼作澈又謂是

桑維翰

舊五代史本傳維翰字國僑洛陽人也父琪維翰性明慧善詞賦唐同光中登

進士第

春渚紀聞

桑維翰

試進士有因嫌其姓黜之或勸勿試

維翰持鐵硯示人曰

鐵硯穿乃

改業著日

出扶桑賦以見志

陽搢紳舊聞記

桑魏公

父琪爲

河南府客時桑魏公將應舉父乘

問告齊王張全義曰

某男粗有

文性今被

同人相率欲取解俟王

旨齊王曰有男應舉

好可令秀才

將卷軸來

魏公之父趨下再拜

既歸令子侵早投書

啟獻文字

數軸王請見

魏公父教之趨階王

曰不可既應舉便是

貢士可歸客

司謂魏公

父曰他道路不同莫

管他終以客禮見王

一見奇之

禮遇頗厚

是年王力言于當時儒

臣由是擢上第

舊五代

史陳保極

傳初桑維翰登第之歲保極

時在秦王幕下因戲

謂同輩曰

近知今歲

有三箇半人及第蓋其

年收四人保極以維

翰

符蒙

書錄解題符蒙同光三年進士同

短陋故謂之半人也

符蒙

年四人

蒙初爲狀頭覆試爲第四

登科記考

卷二十五

四

按諸書或作符蒙正正字衍文  
蒙第三人陳氏以爲第四人誤

成僚

皆見上

知貢舉 禮部侍郎裴皞

四年

丙戌

正月五科舉人許維岳等一百人進狀言伏見新定格文三禮三傳每科祇放兩人方今三傳一科五十餘人三禮三十餘人三史學究一十人若每年祇放兩人及一人逐年又添初舉縱謀修進皆恐滯留臣伏見長慶咸通年放舉人元無定式又同光元年春榜亦是一十三人請依此例以勸進修敕依同光元年例永爲常式冊府元龜 五代會要 按同光元年停舉此言春榜十三人者蓋指元年春所放之榜而言其實爲龍德二年榜也

二月癸丑中書門下奏僞蜀官員先有敕旨黜降近者員數極多相次到闕竝是未承前敕慮抱憂疑宜令御史臺具所到官員出身歷任三代家狀約僞官品秩准前勅次第當擬同正官奏復如是僞蜀將相家屬稍多卽于山東州府安置如位卑家屬少者或是本朝舊人有骨肉見在班行卽任便居止或是三川居人願還本土亦俟三兩日放歸本處或有本朝曾登科第歷任班行材器爲眾所知可以甄錄卽續具人才酌量奏擬從之是時僞蜀宰相王鎔庾傳表張格皆本朝衣冠之後也豆盧革韋說素知之旣聞歸欵意欲處之善地故有是條奏以俟其來

冊府元龜

四月丁亥莊宗崩丙午皇帝卽位於柩前

新五代史唐紀

甲寅改同光四年爲天成元年制曰力學登第承蔭出身或欠文

書侵成踰濫先遭沒毀幾至調選無人州縣多是攝官爲弊滋甚

宜令銓選別爲起請止除僞濫餘復舊規

冊府元龜

八月敕應三京諸道今年貢舉人可依常年例取解仍令隨處量

事津送赴闕

舊五代史選舉志 冊府元龜 五代會要

進士八人

王歸樸

狀元簡州人見玉芝堂談薈

韓熙載

十國春秋韓熙載同光中擢進士第

徐鉉韓熙載墓誌熙載字叔言其先南陽人曾祖均太僕卿祖

殷侍御史考光嗣祕書少監淄青觀察支使故又爲齊人公始弱

冠游於洛陽聲名譎然一舉擢第熙載奔吳上行止狀云熙載

本貫齊州隱居嵩岳雖叨科第且晦姓名其末題云順義六年七

月進士韓熙載狀按順義六年即同光四年熙載不稱前進士者或其時因國難未過關試也熙載生於唐景福元年是時已三十餘墓誌言弱冠誤考張緯十國春秋閩人張緯入中朝應舉光嗣通鑑作叔嗣誤語人或謂之曰子得功名吹噓之力也乃實緣景進而及第焉

諸科二人

知貢舉 禮部侍郎裴皞

後唐明宗聖德和武欽孝皇帝

天成二年丁亥

正月二十七日尙書禮部貢院奏五經考試官先在吏部日長定格合請兩員數年係屬貢院准新定格文祇令奏請一員兼充考



試伏緣今年科目人數轉多卻欲依舊請考試官各一員如蒙允

許續具所請官名銜申奏奉敕宜依

冊府元龜

三月太常丞段容奏請國學五經博士各講本經以申橫經齒胄

之義從之

冊府元龜

四月二日

按下言今月六日則二日當有誤

中書門下奏尙書禮部貢院申當司

奉今月六日敕吏部流內銓狀申據白院狀申當司先准禮部貢

院牒稱據成德軍解送到前進士王蟾狀請罷攝深州司功參軍

應宏詞舉前件人准格例應重科合在吏部其王蟾并牒解送吏

部請准例指縱

按縱疑當作揮

者當司遂具狀申堂奉判送吏部分析近

年事例如何者伏緣近年別無事例今檢登科錄內於僞梁開平三年應宏詞登科二人前進士余渥承旨舍人李愚考官二人司勳郎中崔景兵部員外郎張貽憲者再具狀申堂奉判送吏部准例指揮其前進士王蟾應宏詞考官試官合在流內銓申請者前進士王蟾請應宏詞伏自近年以來無人請應今詳格例合差考官二人又緣祇有王蟾一人獨應銓司未敢懸便奏請差官者奉中書門下牒奉敕宜令禮部貢院就五科舉人考試者伏以舉選公事皆有格條准新定格節文宏詞拔萃准長慶二年格吏部差考試官二人與知銓尙書侍郎同考試聞奏又准格節文內准大

和元年十月二十三日敕應禮部諸色貢舉人及吏部諸色科目  
選人凡無出身及未有官祇合于禮部應舉有出身有官方合于  
吏部赴科目選其應請宏詞舉前進士王蟾當司當年放及第後  
尋已關過吏部訖若應宏拔例待南曹判成卽是科選選人事理  
合歸吏部況緣五科考試官祇考學業難于同考宏詞者奉敕王  
蟾宜令吏部准往例差官考試

冊府元龜

十二月敕新及第進士有聞喜宴關宴今後逐年賜錢四十萬

舊唐書

代史唐紀 冊府元龜 四

十萬五代會要作四百貫

進士二十三人 黃仁穎

狀元見玉芝堂談薈 按仁穎子梁貞明中學究及第至是年復登進士第見

前陳述

條下

王蟾見

盧士衡書錄解題後唐盧士衡天成二年進士

馬允孫廣卓異記

裴暉放馬允孫及第後未踰九年允孫自翰林學士禮部侍郎知舉放進士十三人按清泰三年進士十三人允孫以清泰二年

知三年舉自清泰二年逆數至天成二年為九年故曰未踰九年也李濤宋史本傳濤字信臣京兆萬年人唐敬宗子郇

王瑋十一世孫祖鎮父元朱梁革命元以宗室懼禍挈濤依馬殷濤從父兄郁上言濤父子族湖湘詔殷遣歸京師後唐天成初舉

進士甲科王禹偁懷賢詩李兵部濤云兵部事晉朝文學中甲科

諸科九人

知貢舉 禮部侍郎裴暉舊五代史唐紀天成二年四月禮部侍郎裴暉轉戶部侍郎蓋放榜後改官也

舊五代史裴暉傳暉累知貢舉稱得士宰相馬允孫桑維翰皆其所取進士也後允孫知貢舉引新進士謁暉暉喜為詩曰宦途最重是文衡天忠夫受盛名三主禮闈年八十門生門下見門生當時榮之按廣卓異記云同光二年三年四年禮部侍郎裴

舉連放三榜蓋首年知  
次年舉故皆先一年也

三年

戊子

二月十日禮部貢院奏當司據鄉貢九經劉英甫經中書陳狀請  
對經義九十道以代舊格帖經奉堂判令詳狀處分者當司伏准  
格文九經祇帖九經書各一十帖并對春秋禮記口義各一十道  
今准往例並不曾有應排科講義九經若便據送到引試排科講  
義卽恐有格例者奉敕劉英甫請以講義便代帖經既能鼓篋而  
來必有撞鐘之應宜令禮部貢院考試

五代  
會要

七月四日工部侍郎任贊上言曰伏以聖代設科貢闈取士必自

鄉薦來觀國光將叶公平惟求藝行蓋廣搜羅之理且非喧競之  
揚伏見常年舉人等省門開後春榜懸時所習既未精研有司甯  
免黜落或嫉其先達或恣以厚誣多集怨于通衢皆取駭于羣聽  
頗虧教本卻成亂階宜立新規以革前弊自今後伏請宣下諸州  
府所有諸色舉人不是家在遠方水陸隔越者望令各于本貫選  
藝學精通賓僚一人一例分明比試如非通曉不許妄薦備考最  
必當卽試官請厚於甄酬若薦送稍私并童子盡歸于竄逐冀彰  
奢化免紊儒風庶絕濫進之人共守推公之道敢宜令今後諸色  
舉人委逐道觀察使慎擇有詞藝及通經官員各舉所業考試及

格者卽與給解仍具所試詩賦帖經通粗數一一申省未及格者  
不得徇私發解兼承前諸道舉人多於京兆府寄應例以洪固鄉  
胄貴里爲戶一時不實久遠難明自此各于本道請解具言本州  
縣某鄉某里某爲戶如或寄應須具本貫屬入狀不得效洪固胄  
貴之例文解到省後據所稱貫屬州府戶籍內如是無名本人并  
給解處官吏必加罪責京百司給解就試准前指揮兼下貢院其  
本朝舊格諸色舉人每年各放幾人及第到日續更詳酌處分

冊府

元龜 五  
代會要

是月敕應將來三傳三禮三史開元禮學究等考試本業畢後引

試對策時宜令主司須于時務中採取要當策題精詳考校不必  
拘于對屬須有文章但能詞理周通文字典切卽放及第如不及  
此格雖本業粗通亦須黜落應九經五經明經帖書及格後引試  
對義時宜令主司於大經汎出問義五道於簾下書于試紙令隔  
簾逐段解說但要不失疏注義理通二通三然後便令念疏如是  
熟卷並須全通仍無失錯始得入策亦須于時務中選策題精加  
考校如粗于筆硯留意者則任以四六對仍須理有指歸言關體  
要如不曾于筆硯致功卽許直書其事申明利害不得錯使文字  
其間義念疏對策逐件有去留

冊府元龜 五代會要 冊府元龜云天成三年考趙鳳知貢



舉場中利病備達天聽因敕進士帖經通三即可五科試本業後對策全精即可諸經學帖經及格後于大經汎問五義書于試紙令直解其理通三即可對策並須理有指歸言關體要 按此敕當即趙鳳條奏之事

是月敕近年諸道解送童子皆越常規或年齒漸高或精神非俊或道字頗多訛舛或念書不合格文主司若不去留貢部積成乖弊自此後應諸道州府如公然濫發文解略不考選藝能其逐處判官及試官並加責罰仍下貢院將來諸道應解送到童子委主司精專考較須是年顏不高念書合格道字分明兼無蹉失即放及第仍依天成三年例主司未出院間便引就試與諸科舉人同日放榜不得前卻

冊府元龜

十月三日敕訪聞每年及第舉人牒送吏部關試判題雖有判語  
全無祇見各書未詳仍或正身不至如斯乖繆須議去除此後應  
關送舉人委南曹官更准格考試如是進士并經學及第人曾親  
筆硯其判語卽須緝搆文章辨明治道如是無文章許直書其事  
不得祇書未詳如關試時正身不到又無請假字卽牒貢院申奏

停落

五代  
會要

十二月戊午禮部貢院以諸色及第人失墜出身請同年一人充

保次年及第二人充保卽重給春關

冊府  
元龜

己未以近令進士帖經通三卽放慮非所知致今年令不及通三

亦放來年秋賦詞人並令對義

冊府元龜

進士十五人

郭曉

狀元見玉芝堂談薈玉堂閒話郭俊應舉時夢見一老僧展于臥榻上蹴踖而行既寤

甚惡之占者曰老僧上座也著展于臥榻上行展高也君既觀我矣及見榜乃狀元也按俊當即曉之誤

陳保極

涓熙

三山志

保極字天錫閩縣人郭曉榜進士終禮部倉部員外郎賜

金紫

舊五代史本傳保極好學善屬文後唐天成中擢進士第

秦王從榮聞其名辟為從事三山志又云唐自神龍

迄後唐天成三百有三年福州擢進士者三十六人

諸科四人

知貢舉

兵部侍郎趙鳳

舊五代史趙鳳傳朱守殷以汴州叛馳驛賜任鳳自盡既而鳳哭謂安重誨曰

任鳳義士也肯造逆謀以讐君父乎如此濫刑何以安國重誨笑

而不責是年權知貢舉按殺任鳳在二年十月其年知舉即知三

年之舉也

又按舊五代史唐紀天成二年二月趙鳳以戶部侍郎

改兵部侍郎四年以兵部侍郎改門下侍郎則知舉時正為兵

部侍郎

四年己丑

二月貢院雖鎖未試舉人敕先往雒京赴本省就試

冊府元綱按通鑑明宗

於二年十月如大梁四年二月庚午還洛陽

中書舍人知貢舉盧詹進納春闈狀內漏失五經四人姓名罰一

月俸

冊府元綱按此條不載月日言進春闈狀當在四月矣

七月戊子禮部貢院奏今年諸色及第人中有曾攝州縣官及有

御署攝牒兼或有正授官及曾在賓幕赴舉者諸條格中書奏及

第人先曾授職官者宜令所司于守攝文書內署重應舉及第年

月日或改名不改名分明印押懼其轉賜于人假資冒進也其中  
曾授正官御署并佐幕者仍約前任資序與除一任官如自中興  
以來諸科及第人曾授職官者並令所司追納文書到日准今年  
及第人例處分已授官者不在此限兼勒貢院將來舉人納家狀  
內各分析曾爲官及不曾爲官改名不改名其曾爲職官者先納  
歷任文書及第後准例指揮從之

舊五代史 冊府  
元龜 五代會要

是月敕應今年新及第人給春關並于敷政門外宣賜慮所司邀  
頡故也

冊府元龜  
五代會要

十月一日中書門下條流貢舉人事件如後一應諸道州府解送

諸色舉人須准元敕差有才藝公正官考試及格然後給解仍具  
所試詩賦義目帖繇送省如逐州府解內不署書前件指揮事節  
所司不在引試之限禮部貢院考試諸色帖經舉人今後據所業  
經書對義之時逐經須將生卷與熟卷中半考試不得依往例祇  
將熟卷試問一今後主司不得受內外官寮書題薦託舉人及安  
排考試官如或實講一作按講如二字疑皆衍文有才學精博者任具奏  
聞若受書題屬託致有屈人其主司與發書人並加黜責其所舉  
人別行朝典三銓南曹亦不得受諸色官員書題薦託選人如違  
並准前指揮一應諸色落第人此後所司具所落事繇別張懸文

榜分明曉示除諸州府解送舉人外餘有於河南府寄應及宗正寺國子監生等亦須准上指揮其中有依託朝臣者於解內具言在某官某姓名門館考試及第後並據姓名覆試一諸色舉人至入試之時前五日內據所納到試紙本司印署訖卽送中書門下取中書省印印過卻付所司給散逐人就試貢院合請考官試官今後選學業精通廉慎有守者充若在朝臣門館人不得奏請奉

敕宜依

冊府元龜  
五代會要

是月兵部尙書盧質奏請逐年諸色貢舉人州府取解之時選強

明官考試具詩賦義目送省從之

冊府  
元龜

十二月戊戌詔應授官及封贈官誥舉人冬集等所費用物一切

官破

舊五代史唐紀

是月國子監奏伏以國家開設庠序比要教授生徒所以日就月將知討論之不廢卜禘視學明考較之有程先生既以親臨學士豈宜他適蓋以頃者監名雖補各以私便無嘗且居罔離羣則學能敬業終成孤陋誰爲琢磨但希託迹爲梯媒只以多年爲次第罔思蟻術惟俟鶻遷忍淹違養之時徒積觀光之歲今國家化被流沙漸海政敷有截無疆大扇素風恢張至道是以重興數仞分設諸官教且有舊業成無忒而況時物甚賤館舍尤多諒無懸罄



之虞足得撞鐘之問但自學徒所好可以教亦隨機既欲成名必須精業如有好春秋者教之以屬辭比事三體五情尊王室而討不庭昭沮勸而起新舊其所異同者則引之以二傳也如有好禮者則教之以恭儉莊敬長幼尊卑言揖讓而知獻酬明冠昏而重喪祭其所沿革者則證之以二禮也如有好詩者則教之以溫柔敦厚辨之以草木蟲魚美盛德而刺淫昏歌風雅而察正變如有好書者則教之以疏通知遠釋之以訓詁典謨思帝德而敬王言稽古道而統皇極如有好易者則教之以潔淨精微戒之以躁動競進體十翼而分交爻應凶吉而先擬議也至於歷代子史備述

變通既屬異端誠非教本但以適當凝凍將近試期欲講小經以消短景今已請尙書博士田敏講勘論語孝經行莫大于事親道莫逾于務本如有京中諸官子弟及外道舉人況四門博士趙著見講春秋若有聽人從其所欲顓俟放榜別啟諸經既溫故而知新惜寸陰而輕尺璧顓經者若能口誦碩學者又得指歸自然縻好爵以當仁策科名而得俊幸不孤于選士冀有益於化風從之

冊府  
元龜

進士十三人

諸科二人

趙匡贊

舊五代史唐紀四年正月幽州節度使趙德鈞奏臣孫贊年五歲默念論語孝經舉童子

汴州取解就試詔曰都尉之子太尉之孫能念儒書備彰家訓不勞就試特與成名宜賜別敕及第附今年春榜  
宋史趙贊傳贊字元輔本名美後改焉幽州薊人祖德鈞父延壽贊七歲誦書二十七卷應神童舉明宗詔賜童子及第仍附長興三年禮部春榜  
按宋史與薛史異今從薛史  
按贊本名匡贊後避宋太祖偏諱改則登第時當作匡贊

知貢舉

中書舍人盧詹

舊五代史本傳詹遷中書舍人天成中拜禮部侍郎知貢舉  
按舊五代史唐

紀天成四年八月以中書舍人盧詹為禮部侍郎是放榜後為禮部侍郎也

五年

庚寅

正月二十三日禮部貢院奏當司准天成三年十二月十八日敕文內准近敕自此進士試雜文後據所習本經一一考試須帖得通三已上即放及第者奉敕進士帖經本朝舊制蓋欲明先王之

行趣閱多士之文章近代以來此道稍墜今且上從元輔下及庶僚雖負鑒者極多能明經者甚少恐此一節或滯羣才既求備以斯難庶觀光而是廣今年凡應進士舉所試文策及格帖經或不及通三與放及第來年秋賦詞人所習一大經許令對義義目多少次第仍委所司條件聞奏其今年逐處所解送到進士當司引試雜文帖經後欲令別于所習一大經內對義目五道考試通二通三准帖經例放入策其將來秋賦諸寺監及諸道州府所解送進士等亦准去年十月一日敕條流考試其詩賦義目帖由等並解送赴省如或不依此解送當司准近敕並不引試奉敕宜依府

元龜 五

代會要

二月九日

按二月乙未朔九日爲癸卯

敕近來文士輕視格條就試時疎于帖

經登第後恥于赴選宜絕躁求之路別開獎勸之門其進士科已

及第者計選數年滿日許令就中書陳狀于都堂前各試本業詩

賦判文等其中才藝灼然可取者便與除官如或事業不甚精者

自許准添選

舊五代史選舉志冊府元龜

乙卯

按乙卯爲二十一日

大赦改元長興

通鑑

是月敕傳科不精公穀虛有其名禮科未達周儀如何登第兼知  
春官不曾教誨舉子舉子是國家貢士非宗伯門徒況又斥先聖

之名失爲儒之體今後及第人放榜時並須據才藝高低從上依次第安排不得以胥科取鼎嶠岳斗之名爲貴冀從敦實以息浮澆兼不得呼春官爲恩門師門不得自稱門生除賜宴外不得輒有率斂別謀歡會曾赴舉落第人無故不得改名將來舉人並依選人例據地里遠近於十月三旬下納文解如違不在收受之限

敕旨從之

舊五代史唐紀 冊  
府元龜 五代會要

七月比部員外郎知制誥崔稅奏臣伏見開元五年敕每年貢舉人見訖宜令引就國子監謁先聖先師學官爲之開講質疑所司設食其監內得舉人亦准此例其日清資官五品以上并朝集使

並往觀禮永爲常式自經多故其禮寢停請舉舊典從之

冊府元龜

八月敕其童子准往例委諸道表薦不得解送兼所司每年所放不得過十人仍所念書並須是部帙正經不得以諸雜零碎文書

虛成卷數兼及第後十一選集第一任未得授親人官

冊府元龜

是月三日尙書吏部奏據禮部貢院牒送府試請應書判拔萃前  
號州盧氏縣主簿張岫親書紙內對六節判四通二粗准例及第  
五等上其所試判今錄奏聞奉敕宜付所司今後吏部所應宏詞  
拔萃宜並權停其貢院據見應進士九經並五科童子外諸色科  
前後空間定制去留皆在終場博通者混雜以進身膚淺者俸求

而望事須頒明敕俾叶公途自此後貢院應試三傳三禮宜令准  
進士九經五經明經例逐場皆須去留不得候終場方定仍具所  
通否粗一一旋于榜內告示其學究不在念書可特試墨義三十  
道亦准上指揮如此則人知激勸事有區分主司免致於繁忙舉  
子不興於僭濫

冊府元龜

按此條下原注云學究不念書新例也國朝所設五科唯學究文書最少乃令念其經

而通其義故曰學究今祇詐對即學者皆專于此科時論非之

五月敕宏詞拔萃明算道舉百篇等科並宜停廢

冊府元龜

六月壬子中書門下奏敕新及第進士所試新文委中書門下細  
覽詳覆方具奏聞不得輒徇人情有隳事體中書于今年四月二



十九日帖貢院准元敕指揮中書量重具詳覆者李飛賦內三處犯韻李穀一處犯韻兼詩內錯書青字爲清字並以詞翰可嘉望特恕此誤今後舉人詞賦屬對並須要切或有犯韻及諸雜違格不得放及第仍望付翰林別撰律詩賦各一首具體式一一曉示將來舉人台作者卽與及第其李飛樊吉夏侯琪吳泗王德柔李穀等六人望放及第盧價賦內薄伐字合使平聲字今使側聲字犯格孫澄賦內御字韻使字字已落韻又使膺字是上聲有字韻中押售字是去聲又有朽字犯韻詩內田字犯韻李象賦內一句六石慶兮並合使此奚字道之以禮合使此導字及錯下事嘗字

韻內使方字計中言十十十字處合使平聲字偏字犯韻楊文龜  
賦內均字韻內使民字以君上爲驂駢之士失奉上之體兼善字  
是上聲合押偏字是去聲如字內使與字詩中偏字犯韻師均賦  
內仁字犯韻晏如膏宴又如河清海晏晏不合韻又無理晏字卽  
落韻楊仁遠賦內賞罰字書法字衡勒字書鍼字詩內蓮蒲字合  
著平聲字兼黍梁不律王谷賦內御字韻押處字上聲則落韻去  
聲則失理善字韻內使顯字犯韻如字韻押殊字落韻其盧價等  
七人望許令將來就試仍放再取文解高策賦內于口字韻內使  
依字疑其海外音訛文意稍可望特恕此其鄭朴賦內言肱股詩

中十千字犯韻又言玉珠其賓貢鄭朴許令將來就試亦放取解  
仍自此賓貢每年祇放一人仍須事藝精奇張文寶試士不得精  
當望罰一季俸今後知舉官如敢因循當行嚴典伏以國設高科  
人貪上第所望不小其業須精實以喪亂年多苦辛人少半失宣  
尼之道倍勞宗伯之心不望超羣且須合格今逢聖運大闡皇猷  
設官共革于時訛選士實期于歲勝又朝廷校藝爲擇賢才或臣  
下收恩豈成公道時論以貢舉官爲邱門恩門及以登第爲門生  
門生者門弟子也顏閔游夏等並受仲尼之訓卽是師門大朝所  
命名亦宜停罷

冊府元龜

十月吏部南曹關試今年及第舉人進士李飛等六十九人內三  
禮劉瑩李斐李銑李道全明算宋延美等五人所試判語皆同尋  
勘狀皆稱晚過試偶拾得判草寫淨實不知判語不合一般者敕  
旨貢院擢科考詳所業南曹試判激勸爲官劉瑩等旣不攻文合  
直書其事豈得相傳橐草侮竇公場載究情繇實爲忝冒及至定  
期覆試果聞自懼私歸宜令所司落下其所給春關仍各追納兼  
放罪許再赴舉兼自此南曹凡有及第人試判之時切在精專點  
簡如更有效此者准例處分

冊府元龜  
五代會要

十二月學士院奏伏以體物緣情文士各推其工拙掄才較藝詞

場素有其規程凡務策名合遵常式況聖君御宇與學盈朝倘令  
明示其規模或慮眾貽其臧否歷代作者垂範相傳將期絕彼微  
瑕未若舉其舊制伏乞下所司依詩格賦樞考試進士庶令分職

互展恪勤冊府元龜

進士十五人 李飛見冊府元龜 樊吉見冊府元龜 夏侯琪見冊府元龜

吳泖見冊府元龜 王德柔見冊府元龜 李穀見冊府元龜 宋史李穀傳穀字惟珍潁州汝陰人

年二十七舉進士連辟華泰二州從事

重試落下九人 盧價見冊府元龜 孫澄見冊府元龜 李象見冊府元龜

楊文龜見冊府元龜 師均見冊府元龜 楊仁遠見冊府元龜 王谷見冊府元龜

高策

見冊府元龜

鄭朴

見冊府元龜

明經科

劉瑩

見冊府元龜

李斐

見冊府元龜

李銑

見冊府元龜

李道全

皆三禮科

見冊府元龜

諸科一人

宋延美

明算科見冊府元龜

知貢舉

左散騎常侍張文寶

舊五代史唐紀天成四年十一月張文寶為右散騎常侍長興二年

閏五月改兵部侍郎

按本傳作左散騎常侍知貢舉今從之

舊五代史李憐傳時常侍張文寶知貢舉中書奏落進士數人仍

請詔翰林學士院作一詩一賦下禮部為舉人格樣學士寶夢徵

張彊牽撰格詩格賦各一道中書宰相未以為允夢徵等請憐為

之憐笑而答曰李憐識字有數頃歲因人偶得及第敢與後生髦

俊為之標格假令今御稱進士就春官求試落第必矣格賦格詩

不敢應詔君子

多其識大體

長興二年辛卯

二月癸巳禮部貢院奏當司奉堂帖夜試進士有何條格者敕旨  
秋來赴舉備有常程夜後爲文曾無舊制王道以明規是設公事  
須白晝顯行冀盛觀光尤敦勸善每取翰林學士往例皆試五題  
其觀筆下摘詞不俟燭前構思其進士並令排門齊入就試至門  
開時試畢內有先了者上厯畫時旋令先出其入策亦須畫試應  
諸科對策並依此例餘准前後敕格處分舊五代史唐紀選  
舉志 五代會要  
四月敕舉選人眾例是艱辛曾因兵火之餘多無敕甲不有特開  
之路皆爲承棄之人其失墜春關冬集者宜令所司取本人狀當

及第之時何人知舉同年及第人數幾何如實卽更勘本貫得同  
舉否授官者亦先取狀當授官之時何人判銓與何人同官上任  
罷任何人交代仍勘歷任處州縣如實則別取有官三人保明施  
行冊府元龜

五月庚戌獻時務人前澤州錄事參軍韓滔所司面試策問一件  
無詞以對敕旨以納言路廣進策人多別出試題蓋防假手韓滔  
獨墮眾例輒出己懷敢以間詞有違明敕而又情惟自衒事匪合  
宜朝堂干祿之時尙猶倔強州縣親人之處可任作爲便合舉違  
敕之科加不恭之罪緣當誕月刑法務寬宜殿一選冊府元龜



是月敕國賴賢良雖務搜揚之通官縣請託實開僥倖之門蓋任不當材則民將受弊稍乖掄擇大紊紀綱近聞百執事等或親居內職或貴列廷臣或因宣達君恩或因勾當公事經縣列鎮干擾諸侯指射職貢安排親昵或潛申意旨或顯發書題苟徇私情罔循公道爭能峻阻須至强行遂使受命者負勢以臨人得替者銜冤而去職既虧慎舉漸益躁求務要肅清當行釐革自今已後應內外臣僚不計在朝出使並不得輒發書題及行所屬于諸處亂安排人宜令三司兼諸道節度防禦團練刺史等或更有人不畏新敕猶躡舊蹤者并仰密具姓名聞奏發薦人貶所在官求薦人

配流邊遠州縣嘗知所在如逐處長吏自徇人情顯違敕命只仰  
被替本人詣關上訴勘問不虛長吏罰兩月俸發薦人比前條更  
加一等被替人不准是何職掌卻令依舊勾當仍從再勾當後三  
年內除別顯有罪名外不得妄有替移其餘長與二年五月一日  
已前所犯不在上訴之限兼敕到後但是州府並于管驛處粉壁  
具錄敕命曉示每令修護永使聞知況國家懸爵待人惟賢是舉  
稍聞俊乂必令獎昇其有端士正人雄文大學言可以經綸王道  
行可以規矩人倫者但當顯陳表章明具論薦名如得正工不棄  
財所務絕彼倖人豈可滯諸賢者

冊府  
元龜

六月丁巳朔口疑

據冊府元龜注知其人名疑疑是和疑

奏貢院明法試律令十條

以識達義理問無疑滯者爲通所貴懸科待士自勤講學之功爲

官擇人終免曠遺之咎況當明代宜舉此科敕旨宜升明法一科

同開元禮選數赴舉之時委貢院別奏請會刑法試官依格例考

試

舊五代史唐紀載于長興二年六月丁巳朔五代會要作二年七月朔冊府元龜作元年八月按歐史本紀長興二年十二月

甲寅朔則六月當爲丁巳朔會要作七月誤冊府元龜原注云

先是天成三年十一月權判大理寺蕭希甫上言曰臣聞禁暴亂

者莫先于刑律勤義禮者無切于詩書刑律明則人不敢爲非禮

義行則時自然無事今詩書之教則業必有官刑律之科則世皆

莫曉近者大理正宋昇請置律學生徒雖上聞未蒙申舉伏乞特

頒詔旨下付國庠令再設此科許其歲貢仍委諸州各薦送一兩

人就京習學候至業成便放出身兼許以卑官卻還本處則率士

之內盡會刑書免誤觸于金科冀咸遵于皇化至是疑復奏請

按擬復奏請  
句有奪文

七月敕朝臣相次敷陳請搜沈滯簪纓之內甚有美賢山澤之中  
非無俊彥若令終老乃是遺才鄭雲叟頃自亂離久從隱逸近頒  
特敕除授拾遺不來赴京自緣抱病非朝廷之不錄在遐邇以皆  
知宜令諸道藩侯專切搜訪如有隱逸之士藝行可稱者當具奏  
聞必宜量才任使

冊府元龜

新五代史鄭遨傳遨字雲叟滑州白馬人唐明宗祖廟諱遨故世行其字

前安州應城縣主簿王鼎前隨州唐縣主簿陳延毓同獻時務七  
件敕旨投匭上章條流不阻合表進策理例無聞而況七件之中  
有長有短兩人之內孰否孰臧方當選以公才未可混其言路王

鼎陳廷毓宜各試以策問兩道定其優劣兼自此應諸色人進策  
每五道別試策問兩道十道已下試三道十道已上約此指揮比  
較元進策條詞理可否當與等第處分仍令陞院分明榜示此後  
止絕不得有同表進策所貴人知區別事無汎行庶堅激勸之誠

免誤擬倫之道

冊府元龜

進士四人

是年試鑄鼎象物賦見玉壺清話

艾穎

玉壺清話艾侍郎穎少年赴舉逆旅中遇一村儒狀極葺

關顧謂艾曰君此行登第必矣艾曰賤子家于鄆無師友加之汶上少典籍今學疎寡聊觀場屋爾安敢俯拾耶儒者曰吾有書一卷以授君宜少俟於此詰日奉納翌日果持至乃左傳第十卷也謂艾曰此卷書不獨取富貴後四十年亦有人因此書登科甲然齡祿俱不及君記之艾頗為異時亦諷誦果會李愚知舉試鑄鼎象物賦事在卷中一揮而就愚愛之擢甲科後四十年當祥符五

年御前放進士亦試此題徐奭為狀元按長師均宋史師均

興二年至祥符五年凡八十二年言四十年誤師均傳父均後

唐長興二年進士按何仲舉十國春秋本傳何仲舉營道人

師均即前年落下者天成中入洛會秦王從榮為河

南尹傾身下士仲舉與張抗江文蔚同游其門逾年遂登進士第

時公舉數百人獨以仲舉為擅場仲舉因獻秦王詩曰碧雲章句

裁離手紫府神仙盡點頭秦王大悅稱賞不已故一舉上第按

從榮之拜河南尹薛史在天成四年歐史在長興元年江文蔚等

同舉獨仲舉擅場蓋仲舉於二年

登第江文蔚等皆次年登第也

知貢舉 太常卿李愚舊五代史本傳任園為宰相雅相欽重屢

引崔協以塞其請俄以本職權知貢舉改兵部侍郎充翰林承旨

合新舊五代史唐紀及新史李愚傳考之天成二年四月愚自翰

林承旨守中書舍人為禮部侍郎天成四年八月自禮部侍郎轉

兵部侍郎長興元年二月南郊後罷為太常卿長興二年三月自

太常卿為中書侍郎同平章事同光天成知舉之人皆可考疑張

文寶知舉後以愚代之其時為太常卿放榜後入相也舊史本傳

誤

三年

壬辰

正月戊申詔曰貢舉之人辛勤頗甚每年隨計終日食貧須寬獎勸之門俾釋羈口之歎今後落第舉人所司已納家狀者次年便付貢院就試並免再取文解兼下納文解之時不在拘以三旬但

十月內到者並與收受

舊五代史唐紀 冊  
府元龜 五代會要

二月中書奏請依石經文字刻九經印板敕旨教導之本經籍爲宗兵革已來庠序多廢縱能傳授罕克精研繇是豕亥有差魚目爲弊苟一言致誤則大義全乖倘不討詳漸當紕繆宜令國學集

博士儒徒將西京石經本各以所業本經句度鈔寫注出于細勘讀然後召僱能雕字匠人各隨部帙刻印板廣頒天下如諸色人要寫經書並須依所印敕本不得更使雜本交錯所貴經書廣布

儒教大行

冊府元龜

四月敕近以遍注石經雕刻印板委國學每經差專知業博士儒徒五六人勘讀并注今更於朝官內別差五人充詳勘官太子賓客馬縞太常丞陳觀祠部員外郎兼太常博士段客太常博士路航屯田員外郎田敏等朕以正經事大不同諸書雖已委國學差官勘注蓋緣文字極多尙恐偶有差誤馬縞已下皆是碩儒各專



經業更令詳勘貴必精研兼宜委國子監於諸色選人中召能書人謹楷寫出續付匠人雕刻每五百紙與減一選所減等第優與選轉官資冊府元龜按王明清揮塵餘話言其家有後唐印本五經爲太學博士李鈞所書後題長興二年或二年已刊五經此年更刊九經也

九月敕朕大敗四門無遺片善冀有智能之士來陳利害之言是命擢量貴得酬獎須論條件以定等差應進策人等若是選人所進策內一件可行與減兩選兩件減四選三件已上便依資與官如無選可減及所欠選數則少可行事件則多據等級更優與處分如是諸色舉人貢院自考試本業格式不在進策之限如有智

謀宏遠文藝優長或一言可以興邦一事可以濟國是爲奇傑難

預品量待有獻投旋令擬議

冊府元龜

十二月二十日禮部貢院奏准會要長壽二年七月十日左拾遺  
劉承慶上疏曰伏見比年以來天下諸州所貢方物至元日皆陳  
在御前惟貢人獨于朝堂列拜伏請貢人至元日列在方物之前  
以備充廷之禮制曰可近年直至臨鑾院前赴應天門外朝見今  
後請令舉人復赴正仗仍緣今歲已晚貢士未齊欲且據見到人  
點引牒送四方館至元日請令通事舍人一員引押朝賀列在貢  
物之前或以人數不少卽請祇取諸科解頭一人就列其餘續到

者侯齊日別令朝見如蒙允許當司即于都省點引習儀奉敕宜

准元敕處分餘宜依

冊府元龜  
五代會要

進士八人

盧華

狀元

江文蔚

十國春秋江文蔚字君章建安人後唐長興中舉進士為河南府館

驛巡官

偶傳

江文蔚長興三年盧華榜下進士八人與張沆吳

承範殷鵬

范禹偁為學士

按徐鉉江文蔚墓誌云文蔚之先濟

陽考城人誌言文蔚卒於保大十年年

張沆

十國春秋何仲舉傳作張抗當即舊

五十二以是推之得第時年三十二

五代史之張沆也舊五代史張沆字太元徐州人父

吳承範

嚴沆少力學攻詞賦

登進士第秦王署為河南府巡官

舊五代史本傳承範字表微魏州人少好學善屬文唐閔帝之鎮

鄴都也問其才名署為賓職承範懇求隨計閔帝許之長興三年

春擢進

殷鵬

舊五代史本傳鵬字大舉大名入弱冠擢進士第唐閔帝之鎮魏州問其名辟為從事

范

禹偁

十國春秋范禹偁九隴人父虔為衙吏禹偁少落拓虔死隨母改適張氏因冒姓名曰張諤有道士謂曰子骨法異常苟

屈首受書他日必大貴由是從師苦學天成中登第始復本姓名  
上州刺史啟曰昔年上第誤標張祿之名今日故園復作范睢之  
裔按此則登第時應作張諤

諸科八十一人

程口

宋歐陽修撰程元白墓誌後唐長興三年公之皇考以神童舉官至太子贊善大夫

按卽宋程

琳之祖父

四年癸巳

二月十六日知貢舉和凝奏今後舉人就試日請令皇城司公幹  
人於省門前聽察叫呼稱屈及知貢舉有倖門者引付皇城司勘  
問如是的實虛妄請嚴加科斷兼舉人挾帶文書入院請殿將來  
舉數自一舉至三舉放榜後及第人看榜訖便綴行于五鳳樓前

登科記考

卷二十五

美

列行舞蹈謝恩訖赴國學謝先師然後於知貢舉官相識期集祇候敕命兼過堂及過樞密院又舊例侵晨張榜訖知貢舉官及考試官已下便出院蓋恐人榜下喧訴今年請放榜後知貢舉官並考試官至晚出奉敕五鳳樓前非舉子謝恩之所宜令敕下後於朝堂謝訖即赴國學其試舉人日宜令御史臺差人院司聽察放榜日知貢舉官至晚出院此後永爲定制及第舉人過樞密院宜不施行

冊府元龜  
五代會要

是日禮部貢院奏新立條件一九經五經明經呈帖由之時試官書通不後有不及格者唱落後請置筆硯將所納由分明卻令自

看或是試官錯書通不當與改正如懷疑者便許請本經書面前  
檢對如實是錯誤卽更於帖由上書名而退一五科常年駁格  
多稱屈塞今年並明書所對經書墨義云第幾道不第幾道粗第  
幾道通任將本經書疏照證如考試官錯書不粗講別將狀陳訴  
當再加考校如實錯誤妄陳文狀當行嚴斷一今年舉人有抱屈  
落第者許將狀披訴于貢院當與重試如貢院不理卽詣御史臺  
論訴請自試舉人日令御史臺差人受舉人屈訴文狀并引本身  
勘問所論事件或知貢舉官及考試官已下收受貨賂昇擢親情  
屈塞藝能應副囑託及不依格去留一事有違請行朝典一懷挾

書策舊例禁止請自今年後入省門搜得文書者不計多少准例扶出殿將來一舉上鋪後搜得文書者准例扶出殿將來兩舉一通口授人迴授試處及鈔義題帖書時諸般相救准例扶出請殿將來三舉一自是藝業未精准格落下出外及見駿榜後羞見同人妄扇屈聲擬爲將來基址及別人帖對過場數多者便生誣玷墜陷或難纖毆罵者並當收禁牒送御史臺請賜勘窮如知貢舉官及考試官事涉徇私屈塞藝士請行朝典若虛妄者請痛行科斷牒送本道重處色役仍永不得入舉場同保人亦請連坐各殿

三舉奉敕官依

冊府元龜  
五代會要

三月童子闈惟一等三十九人進狀伏見貢院榜童子祇放十人

乞念苦辛更加人數敕旨都收二十人須是實苦辛者仍此後不

得援

冊府元龜

八月戊申冊尊號制曰山林草澤之人雖頻命搜羅而尙慮沈滯

委所在長吏切加採訪的有才氣藝行者具以名聞必議量才任

使

冊府元龜

十一月戊戌帝殂

通鑑

十二月癸卯朔始發明宗喪宋王卽皇帝位

通鑑

進士二十四人

范質

宋史范質字文素大名宗城人父遇質長興四年舉進士客齋四筆和凝以唐長



興四年知貢舉取范質爲第十三人蓋疑在梁貞明中及此級故以處質云 澠水燕談范質初舉進士時和疑知貢舉疑常以宰輔自期登第之日名第十三人及覽質文尤賞歎即以第十三名處之場屋間謂之傳衣鉢若禪宗之相付授也後質果繼登相位 王堂閒話引范質云質于癸巳年應舉考試畢場自以孤平初舉不敢決望成名然憂悶如醉寢于逆旅忽有所夢寐未吡問有九經蔣之才相訪即驚起而坐具告以夢夢被人以朱筆于頭上亂點已牽一胡孫如驢許大蔣即以夢占之日君將來必捷兼是第三人矣因問其說即曰亂點頭者再三得也朱者事分明也胡孫大者爲猿算法圖三徑一故知三數也及放榜即第十三人 李瀚 玉壺清話李瀚及第于和凝相榜下後與座主同任也 李瀚 學士會凝作相瀚爲承旨適當批詔次日于玉堂輒開和相舊閣悉取圖書器玩留一詩于楊攜之盡去云座主登庸歸鳳閣門生批詔立鰲頭玉堂舊閣多珍玩可作西齋潤筆不

申文炳

舊五代史本傳文炳字國華洛陽人長興中進士擢第附載此年

劉熙古

宋史本傳熙古字義

涪州甯陵人唐左僕射仁軌十一世孫祖寶進熙古避祖諱不舉進士後唐長興中以三傳舉時翰林學士和凝掌貢舉熙古獻

春秋極論二篇演論三篇凝  
甚加賞召與進士試擢第

諸科一人

知貢舉

主客郎中和凝

舊五代史本傳召入翰林充學士轉主客郎中充職兼權知貢舉貢院舊例放

榜之日設棘于門及閉院門以防下第不逞者凝令撒棘啟門是日寂無喧者所收多才名之士時議以為得人

後唐潞王

清泰元年

甲午

正月戊寅閔帝大赦改元應順

通鑑

四月癸酉太后下令廢少帝為鄂王甲戌太后令潞王即皇帝位

乙酉改元

通鑑

九月壬子中書門下帖太常以長興三年敕諸科舉人常無薦送  
先令行鄉飲酒之禮凡預舉人例從鄉賦遂奏鹿鳴之什俾騰龍  
化之津雅音既動于笙簧厚禮復陳於筐筥行茲盛事克振儒風  
宜令復行鄉飲酒之禮太常草定儀注頒下諸州預前肄習解送  
舉人之時便此行禮其儀速具聞奏時李憚爲太常文士淺放禮  
學唯博士段容據禮記賓主次第申初長興中宰相臣李愚好古奏  
行此禮累年不暇至是愚復舉奏及觀禮官所定無緒禮直官孫  
知訓以爲古禮無次序不可施行博士或言于愚曰梁朝時青州  
曾行一度遂令青州放舊簿書以聞

舊五代史唐紀  
冊府元龜

進士十七人

諸科一人

知貢舉 中書舍人盧導

舊五代史本傳導長興末爲中書舍人權知貢舉明年春詔王自鳳翔擁大軍

赴闕唐閔帝奔于衛州是此年爲導知舉也

二年

乙未

七月御史中丞盧損言天成二年二月敕每年進士合有聞喜宴春闕宴并有司所出春闕牒用綾紙並官給臣等以舉人既成名第宴席所費屬私況國用未充枉有勞費請依舊制不賜詔曰春闕冬集綾紙聞喜關宴所賜錢並仍舊官給餘從之

冊府元龜

九月己酉禮部貢院奏奉長興二年二月敕進士引試早入晚出  
今請依舊例進士試雜文并點門入省經宿就試往例童子表薦  
不解送每年所放不過十人長興四年三月詔許放二十人應順  
元年正月詔許放十五人今請如最後敕人數長興元年詔進士  
九經五經明經五科童子外諸色科目並停緣舊有明算道舉今  
欲施行又奏長興二年正月敕每年落第舉人免取文解今後欲  
依元格諸科並再取解以十月十五日到省畢違限不收又奏天  
成四年敕諸色舉人入試前五日納試紙用中書省印訖付貢院  
院司緣五科所試場數極多旋印紙鑲宿內中書往來不便請祇

用當司印從之

舊五代史唐紀冊  
府元龜五代會要

其月舉人張洞而下以去年落第人各于鄉里取解以試期近來

往不及乞今年且徇舊例從之來年卽勒本州取解

冊府元龜

進士十四人

熊皦

書錄解題熊皦後唐清泰二年進士其  
居龍集中多下第詩蓋老于場屋者

薛

居正

宋史本傳居正字子平開封浚儀人父仁謙居正清泰初舉  
進士不第爲遺愁文以自解寓意倜儻識者以爲有公輔之

量踰年登第

曾鞏隆平集

劉載

宋史本傳載字德與涿州范  
陽人唐盧龍節度濟之六世

薛居正清泰中登進士第

孫父昭

宋太宗實錄劉載後唐清泰  
中舉進士及第解褐祕書省校書郎

諸科一人

知貢舉

禮部尙書王權

舊五代史本傳權爲尙書左丞禮部尙  
書判銓清泰中權知貢舉改戶部尙書

按舊史唐紀長興三年十二月以尚書左丞王權爲禮部尚書清  
泰二年五月以禮部尚書王權爲戶部尚書是放榜後遷官也

南齊書院叢書